




Starfsáætlun 2023



Verkefni stjórnar

Í samþykktum SSNV kemur fram að stjórn hafi yfirumsjón með rekstri, sé málsvari samtakanna ásamt framkvæmdastjóra milli ársþinga og engu meiriháttar máli megi ráða til lykta án atbeina hennar.

Stjórn fundar að jafnaði einu sinni í mánuði. Formaður og framkvæmdastjóri undirbúa fundi. Framkvæmdastjóri sendir fundargögn til stjórnar og varastjórnar, kjörinna fulltrúa í sveitarstjórnnum landshlutans auk stjórnenda sveitarfélaga. Fundargerðir eru sendar til allra framangreindra, annarra landshlutasamtaka og alþingismanna kjördæmisins.

Skipan stjórnar

Stjórn var skipuð á auka ársþingi í júní 2022. Ný stjórn verður kjörin á ársþingi eigi síðar en 30. apríl 2024.

Stjórn skipa:

Guðmundur Haukur Jakobsson, formaður, Húnabyggð.
Hrund Pétursdóttir, varaformaður, Skagafirði.
Friðrik Már Friðriksson, Húnaþingi vestra.
Vignir Sveinsson, Skagabyggð.
Jóhanna Ey Harðardóttir, Skagafirði.

Varamenn í stjórn skipa:

Magnús Magnússon Húnaþingi vestra
Regína Valdimarsdóttir Skagafjörður
Álfhildur Leifsdóttir Skagafjörður
Halldór Gunnar Ólafsson Skagatrönd
Auðunn Sigurðsson Húnabyggð

Ársskýrsla - ársreikningur - endurskoðun

Vinna við ársskýrslu 2022 hefst í janúar 2023 og lýkur eigi síðar en 10. mars 2023.

Vinna við gerð ársreiknings 2022 hefst í janúar 2023 og á endurskoðaður ársreikningur 2022 að liggja fyrir eigi síðar en 1. mars 2023.

Þing SSNV

- Ársþing verður haldið fimmtudaginn **13. apríl 2023** í Húnaþingi vestra.
- Haustþing verður haldið fimmtudaginn **19. október 2023** í Húnaþingi vestra.



Mynd á forsíðu

Kolugljúfur, Húnaþingi vestra.

Mynd

Lundi í Drangey. Róbert Daníel

Fundir með þátttöku SSNV

Sameiginlegir fundir landshlutasamtaka

- Vorfundur, daginn fyrir landsþing Sambands íslenskra sveitarfélaga.
 - Sumarfundur landshlutasamtakanna, tveggja daga fundur í júní.
 - Haustfundur, í tengslum við fjármálaráðstefnu Sambands íslenskra sveitarfélaga.
- Formaður og framkvæmdastjóri sitja ofangreinda fundi.

Sameiginlegir fundir atvinnuþróunarfélaga

- Vorfundur er haldinn af Byggðastofnun í tengslum við ársfund Byggðastofnunar.
- Haustfundur er haldinn til skiptis á atvinnuþróunarsvæðum. Árið 2023 verður fundurinn haldinn á Suðurnesjum.

Gert er ráð fyrir að framkvæmdastjóri og starfsmenn atvinnuþróunar mæti eins og við verður komið á ofangreinda fundi.

Aðrir fundir

Gert ráð fyrir að formaður og/eða framkvæmdastjóri mæti á eftirtalda fundi:

- Ársfundur Byggðastofnunar.
- Landsþing Sambands íslenskra sveitarfélaga.
- Fjármálaráðstefna sveitarfélaga.
- Ársfundur Jöfnunarsjóðs sveitarfélaga.

Aðrir viðburðir

Frá því á árinu 2020 hefur verið fyrirhuguð kynnisferð erlendis fyrir atvinnuþróunarfélög á vegum Byggðastofnunar. Ekki hefur orðið af ferðinni vegna Covid en gert er ráð fyrir að hún fari fram á árinu 2023. Farið er í slíka ferð annað hvert ár með styrk frá stofnuninni. Gert er ráð fyrir að fulltrúar SSNV fari í ferðina.

Fulltrúar samtakanna taka jafnframt þátt í hinum ýmsu fundum á vegum sveitarfélaganna, annarra landshlutasamtaka og ríkisins.

Fylgdu okkur á samfélagsmiðlum og fáðu fréttir af starfinu



ssnordurlandvestra



samtok_nordurlandvestra



Verkefni SSNV

Verkefnum SSNV er skipt í þrjá meginhluta.

- Verkefni atvinnuþróunar.
- Verkefni Sóknaráætlunar og Uppbyggingarsjóðs.
- Önnur verkefni SSNV.

Verkefni atvinnuþróunar

SSNV tók yfir verkefni atvinnuráðgjafar á árinu 2005.

Sveitarfélögin hafa lagt 20 milljónir árlega til verkefnisins og Byggðastofnun leggur til um 23 milljónir. Í samningi SSNV og Byggðastofnunar, dags. 23. janúar 2018, kemur fram að SSNV skuli vinna að eftirtöldum verkefnum:

- Atvinnu- og byggðaðróun
- Atvinnuráðgjöf
- Nýsköpun
- Búsetupáttum
- Upplýsingaöflun
- Endurmenntun og samstarfi

Mestum hluta þeirra fjármuna, sem þessi málaflokkur hefur til ráðstöfunar, er varið til ráðgjafar- og nýsköpunarverkefna.

**Framkvæmdastjóri
SSNV,**
Katrín M.
Guðjónsdóttir

Starfsmenn atvinnuþróunar veita alla almenna ráðgjöf til einstaklinga og fyrirtækja í rekstri á starfssvæðinu, aðstoða við gerð rekstrar- og markaðsáætlana og markaðssetningu, við vinnu við stefnumótun, o.s.frv.

Einnig standa samtökin fyrir ýmiskonar fræðslu fyrir þá sem hyggjast hefja rekstur eða eru í rekstri.

Árlega skila samtökin inn starfsáætlun um störf atvinnuþróunar með mælanlegum markmiðum. Markmið atvinnuþróunar SSNV fyrir árið 2023 fylgja starfsáætlun þessari sem fylgiskjal.



Kannanir

Frá árinu 2018 hefur SSNV tekið þátt í könnun á umhverfi og þörfum fyrirtækja á landsbyggðinni sem unnin er af Samtökum sveitarfélaga á Vesturlandi (SSV) undir forystu Vífils Karlssonar. Könnunin er gerð árlega á haustmánuðum.

SSNV tekur einnig þátt í íbúakönnun sem framkvæmd er á nokkurra ára fresti, síðast á árinu 2020. Sú könnun er einnig framkvæmd af SSV undir forystu Vífils Karlssonar.

Mynd: Hofsós, Skagafirði.



Verkefni SSNV, framhald

Erlend samstarfsverkefni

SSNV er aðili að amk. þremur alþjóðlegum verkefnum. Öll verkefnin eiga það sameiginlegt að snúa á einn eða annan hátt að atvinnuþróun á svæðinu.

Þar ber fyrst að nefna Tourbit. Verkefnið er unnið í samstarfi með íslenska Ferðaklasanum ásamt öðrum erlendum samstarfsaðilum. Tourbit miðar að því að stuðla að seiglu og samkeppnishæfni lítilla og meðalstórra fyrirtækja í ferðaþjónustu, efla hæfni þegar kemur að nýsköpun ásamt því að hvetja til hraðari stafrænni umbreytinga ferðaþjónustu fyrirtækja í Evrópu. Davíð Jóhannsson, atvinnuráðgjafi á sviði ferðamála, heldur utan um Tourbit fyrir



Verkefnisstjóri
Target Circular og
GLOW,
Sveinbjörg Rut
Pétursdóttir
atvinnuráðgjafi

hönd SSNV. Target Circular er styrkt af Norðurslóðaáætlun og er ætlað m.a. að þjálfar frumkvöðla og/eða fyrirtæki í að hugsa vörur sínar og þjónustu eins og vísindamenn; að leggja fram tilgátu og prófa áður en farið er af stað. Það gefur þeim tækifæri á að lágmarka áhættu fjárfestinga. Samstarfsaðilar ætla að þróa efni sem gerir fundi með atvinnuráðgjöfum markvissari og árangursríkari. Verkefnið mun einnig snerta á hvernig og hvaða deililausnir lítil og meðalstór fyrirtæki geta nýtt sér, t.d. að vera með sameiginlegan markaðssérfræðing.

GLOW er einnig styrkt af Norðurslóðaáætlun og leggur verkefnið upp með að þróa sjálfbærar aðferðir hjá fyrirtækjum sem vilja nýta myrkrið sem auðlynd í ferðaþjónustu. Verkefninu er ætlað að stuðla að auknum ferðamannastraumi yfir dimma vetrarmánuði með því m.a. að nýta stafræna tækni og þróa forrit/viðmót til að kynna nætúrhimininn. Þetta tvennt verður samþætt inn í núverandi ferðaþjónustuframboð þátttakenda í verkefninu sem gefur þeim tækifæri á að ná inn á nýja markaði.

GLOW og Target Circular eru bæði verkefni til þriggja ára sem fara af stað á næstu mánuðum.



Verkefni SSNV, framhald

Iðnaðaruppbygging á Norðurlandi vestra

Í mars 2020 var ráðinn nýr starfsmaður til samtakanna sem hefur það hlutverk að laða fjárfestingar inn í landshlutann. Um er að ræða starf sem stutt er af atvinnuvega- og nýsköpunarráðuneytinu annars vegar og sveitarfélögunum á starfssvæðinu hins vegar.

Nú er unnið að því að draga saman hugmyndir að fjárfestingaverkefnum í landshlutanum, skilgreina verkefni og verkefnahópa og mynda tengsl innan lands og utan sem nýst geta í verkefninu. Einnig er unnið að því að koma upp heimasíðu með fjárfestaupplýsingum sem nýst geta áhugasömum fjárfestum.

Magnús Barðdal,
verkefnisstjóri
fjárfestinga



Ferðamál

Ráðgjafi SSNV á sviði ferðamála starfar með ferðapjónustufyrirtækjum á starfssvæðinu og með Fagráði ferðapjónustunnar á Norðurlandi vestra. Í fagráðinu eiga sæti formenn ferðamála-félaganna á Norðurlandi vestra og einn fulltrúi SSNV.

Áætlað er að ráðið hittist fjórum sinnum á árinu og haldi símafundi þess utan ef þörf krefur.

Ferðamáladagur að hausti (oftast haldinn í nóvember), er orðinn árlegur viðburður með kynningarerindum og umræðum um mál sem eru ofarlega á baugi í greininni, s.s. nýir markaðir og breytingar í rekstrarumhverfi.

Davíð Jóhannsson,
ráðgjafi með
áherslu
á ferðamál



Nýsköpun

Eitt helsta tækifæri Norðurlands vestra til fjölgunar starfa og aukinnar verðmætasköpunar liggur í nýsköpun. Til að stuðla að því að þau tækifæri verði nýtt var ráðinn ráðgjafi með áherslu á nýsköpun til samtakanna. Markmiðið með starfinu er að stuðla að því að í landshlutanum verði til umhverfi sem hvetur nýsköpun á sem flestum sviðum, styður við frumkvöðla, eykur tengsl þeirra innan svæðis og utan og miðlar þekkingu hvað nýsköpun varðar. Á árinu verður staðið fyrir ýmsum viðburðum og námskeiðum sem hvetja eiga til aukinnar nýsköpunar í landshlutanum.

**Ólöf Lovísa
Jóhannsdóttir,**
ráðgjafi með
áherslu
á nýsköpun




Verkefni SSNV, framhald

Útibúið - skrifstofusetur á Hvammstanga

Í júní 2021 var Útibúið formlega opnað í húsakynnum Landsbankans á Hvammstanga. Um er að ræða fullbúið skrifstofurými þar sem leigja má fyrsta flokk aðstöðu fyrir þá sem starfa „án staðsetningar“. Opnun setursins var mikilvægt skref í því að búa landshlutann undir að taka á móti slíkum störfum. SSNV annast útleigu á rýmum í umboði Landsbankans. Í dag er Ferðamálastofu með aðstöðu í rýminu

Verkefnið er áhersluverkefni áranna 2022 og 2023. Vonir standa til að í framhaldinu verði hægt að opna sambærileg útibú í fleiri þéttbýliskjörnum á starfssvæði samtakanna.

Nánari upplýsingar um Útibúið má finna á www.utibuid.is



Norðanátt

Norðanátt er hreyfiafl nýsköpunar á Norðurlandi sem miðar að því að auka fjárfestingar á svæðinu og skapa kraftmikið umhverfi fyrir frumkvöðla og fyrirtæki sem vinna að nýsköpun með áherslu á loftslagsmál og hringrásarhagkerfið.

Norðanátt hóf göngu sína árið 2021 þegar styrkur fékkst úr nýsköpunarsjóði Lóu frá Háskóla-, iðnaðar- og nýsköpparráðuneytinu en með styrkveitingunni hófst fyrsta hringrás Norðanáttar á Norðurlandi þar sem haldið var m.a. lausnarmótið Hacking Norðurland, viðskiptahraðallinn Vaxtarými og lauk fyrstu hringrásinni með fjárfestahátíð á Siglufirði í mars 2022.

Að verkefninu koma SSNV, SSNE, Eimur og Rata.



Endurskoðun Samgöngu- og innviða-áætlunar SSNV

Á ársþingi SSNV í apríl 2021 var kjörin samgöngu- og innviðanefnd með það hlutverk að endurskoða og uppfæra gildandi Samgöngu- og innviðaáætlun landshlutans sem samþykkt var árið 2019.

Ný samgöngu- og innviðaáætlun var samþykkt á ársþingi SSNV í apríl 2022.

Nefndin er skipuð einum fulltrúa úr hverju sveitarfélagi á starfssvæði samtakanna.

Formaður nefndarinnar er Regína Valdimarsdóttir, Skagafirði.

Verkefni SSNV, framhald

Fólkið á Norðurlandi vestra

Árið 2019 var hafist handa við framleiðslu á hlaðvarpsþáttunum Fólkið á Norðurlandi vestra. Samtals hafa verið birtir yfir 40 þættir sem aðgengilegir eru á heimasíðu SSNV og á helstu hlaðvarpsveitum.

Markmiðið með gerð þáttanna er að vekja athygli á íbúum landshlutans og þeim verkefnum sem þeir taka sér fyrir hendur. Með því má bæði vekja áhuga fólks utan svæðis en ekki síst auka stolt íbúa svæðisins á því sem fram fer í landshlutanum.

Ábendingar um áhugaverða viðmælendur eru vel þegnar á netfangið ssnv@ssnv.is



Alþjóðleg samstarfsverkefni

Undanfarið hefur verið unnið markvisst að því að fjölga erlendum samstarfsverkefnum í takt við markmið Sóknaráætlunar landshlutans. Þar er kveðið á um að slík verkefni verði a.m.k. 10 á gildistíma áætlunarinnar. Fjallað hefur verið um verkefnið Digi2Market sem staðið hefur yfir frá árinu 2018. Því lauk á árinu 2022 og var í framhaldi af því unnið að framhaldsumsókn í samvinnu við sömu samstarfsaðila sem eru frá Írlandi og Finnlandi.

SSNV er jafnframt samstarfsaðili í verkefninu TOURBIT í samvinnu við katalónska, belgíska, franska, slóvenska, protúgalska og finnska aðila. Verkefnið miðar að því að aðstoða ferðapjónustuaðila á starfssvæðinu við að byggja upp stafræna innviði.

SSNV var aðili að 2 umsóknum vegna tveggja alþjóðlegra verkefna. Báðar umsóknirnar voru brúarsverkefni í Northern Periphery and Arctic programme sjóðinn (NPA). Styrkur fékkst í báðar umsóknirnar og var því unnið að framhaldsumsóknum í þriggja ára verkefni fyrir bæði verkefnin auk þriðja verkefnis sem kom upp á borð eftir að fulltrúar SSNV sóttu tengslaráðstefnu í Danmörku. Eins og áður sagði hefur fengist styrkur í tvö af þessum þremur verkefnum.

Innlend samstarfsverkefni

Undanfarin misseri hefur samstarf landshlutasamtaka og annarra aðila aukist verulega. SSNV tók þátt í verkefninu Matsjá í samstarfi við Samtök smáframleiðenda matvæla og önnur landshlutasamtök á öllu landinu. Verkefnið snéri að því að veita smáframleiðendum um land allt stuðning í sínum störfum. Einnig tók SSNV þátt í Ratsjá sem keyrð var yfir allt landið.

Nú stendur yfir viðskiptahraðallinn Vaxtarrými sem nú er keyrður í annað sinn undir hatti regnhlífasamtakanna Norðanátt, en að þeim koma SSNV, SSNE, Eimur, Nýsköpun í norðri, Hraðið og RATA. Norðanátt byggir á hringrás árlegra viðburða þar sem frumkvöðlar fá tækifæri til að þróa hugmyndir sínar, vaxa og ná lengra.

Verkefni Sóknaráætlunar

Sóknaráætlun Norðurlands vestra gildir fyrir árin 2020-2024. Markmið Sóknaráætlunar eru að:

- Ráðstöfun þeirra fjármuna sem varið er til verkefna í einstökum landshlutum á sviði samfélags- og byggðamála byggja á svæðisbundnum áherslum og markmiðum sem fram koma í sóknaráætlun landshlutans.
- Treysta stoðir menningar.
- Auka samkeppnishæfni landshlutans og landsins alls.
- Einfalda samskipti ríkis og sveitarfélaga og tryggja gagnsæi við úthlutun og umsýslu opinberra fjármuna.

Framlög til Sóknaráætlunar Norðurlands vestra 2023

Í fjárhagsáætlun SSNV fyrir árið 2023 er gert ráð fyrir 103,1 millj. kr. tekjum vegna samningsins, 95,7 millj. frá ríkinu, og 7,4 millj. kr. frá sveitarfélögunum á starfssvæði samtakanna.

Skipting framlaga til Sóknaráætlunar

- 70 milljónum verður varið til að styrkja menningar-, atvinnuþróunar- og nýsköpunarverkefni,
- 23,1 milljón í áhersluverkefni og
- 10 milljónum í rekstur Sóknaráætlunar.

Auk þess verður 6,4 milljónum af eigin fé samtakanna varið til áhersluverkefna. Samtals verður því 29,4 milljónum varið til áhersluverkefna á árinu 2023.

Verkefnum Sóknaráætlunar er skipt í fernt:

- Gerð Sóknaráætlunar landshlutans.
- Úthlutun styrkja úr Uppbyggingarsjóði.
- Val á sérstökum áhersluverkefnum og framkvæmd þeirra,
- Umsjón með sérstökum viðaukasamningum við sóknaráætlun, einkum í tengslum við verkefni Byggðaáætlunar.



SÓKNARÁÆTLUN
NORÐURLANDS VESTRA



Ástrós Elísdóttir
Verkefnisstjóri
Sóknaráætlunar

Verkefni Sóknaráætlunar, framhald

Samráðsvettvangur

Samkvæmt samningi um sóknaráætlun skipa landshlutasamtökin samráðsvettvang með sem breiðastri aðkomu sveitarstjórna, atvinnulífs, menningarlífs, fræðasamfélags og annarra haghafa. Gæta skal lýðræðis-, búsetu-, aldurs- og kynjasjónarmiða.

Samráðsvettvangurinn skal hafa beina aðkomu að gerð sóknaráætlunar og vera upplýstur um framgang hennar að minnsta kosti árlega.

Með nýjum samningi um sóknaráætlunir fyrir árin 2020-2024 verður samráðsvettvangurinn rafrænn. Í vinnuferli við gerð nýrrar sóknaráætlunar á árinu 2019 gátu áhugasamir skráð sig á vettvanginn auk þess sem þátttakendur á fundum tengdum vinnunni voru skráðir á samráðsvettvanginn. Hann skipa nú um 100 manns.

Skv. nýjum samningi um sóknaráætlun skulu samtökin setja sér samskiptaáætlun sem endurskoðuð er árlega. Þar skal m.a. koma fram hvernig kynna á sóknaráætlunina fyrir helstu markhópum, fyrirhugaðir fundir og ráðstefnur, áætlun um greinaskrif, auglýsingar og virkni á samfélagsmiðlum.

Upplýsingagjöf

Samkvæmt samningi skal SSNV skila árlega greinargerð um framkvæmd samningsins til stýrihóps Stjórnarráðsins. Á árinu 2023 skal því skila greinargerð fyrir árið 2022 og skal það vera fyrir 1. febrúar 2023.

Einnig skulu samtökin skila greinargerð árlega til Jöfnunarsjóðs sveitarfélaga vegna sérstakra framlaga sjóðsins til framkvæmdar sóknaráætlunar.

Mynd: Þingeyrarkirkja, Húnabyggð.



SÓKNARÁÆTLUN
NORÐURLANDS VESTRA



Uppbyggingarsjóður

Sjóðurinn hefur það hlutverk að styrkja verkefni sem falla að sóknaráætlun landshlutans. Sjóðurinn skiptist í tvo hluta, menningarmál og atvinnuþróun og nýsköpun.

Menningarhlutinn skiptist í stofn- og rekstrarstyrki annarsvegar og verkefnastyrki hinsvegar. Í fjárhagsáætlun SSNV fyrir árið 2023 er gert ráð fyrir að úthluta 36 milljónum í menningarhluta Uppbyggingarsjóðs og að 34 milljónum verði varið til atvinnuþróunar og nýsköpunar.

Umsóknarferlið hófst 26. september 2022 með umsóknarfresti til 1. nóvember og verður úthlutun lokið fyrir árslok 2022. Gert er ráð fyrir að úthlutunarhátíð fari fram í byrjun janúar 2023.

Framkvæmdastjóri ber ábyrgð á verkefnum Uppbyggingarsjóðs.

Starfsmenn Uppbyggingarsjóðs eru Ástrós Elísdóttir, verkefnisstjóri Sóknaráætlunar og Sveinbjörg Rut Pétursdóttir atvinnuráðgjafi.

Framúrskarandi verkefni

Árlega eru veittar viðurkenningar fyrir framúrskarandi verkefni sem farið hafa fram á Norðurlandi vestra árið áður. Veittar eru viðurkenningar í tveimur flokkum, annars vegar á sviði atvinnuþróunar og nýsköpunar og hins vegar á sviði menningar. Viðurkenningu á árinu 2021 hlutu Brúnastaðir í Fljótum, Sögufélag Skagfirðinga og Maður og kona ehf.

Kallað verður eftir tilnefningum íbúa í landshlutanum í lok árs og viðurkenningin veitt á úthlutunarhátíð Uppbyggingarsjóðs sem haldin verður í upphafi árs 2023.

Næsta úthlutun Uppbyggingarsjóðs

- Umsóknarfrestur til 1. nóvember 2022.
- Umsóknnum skal skilað á rafrænni umsóknargátt af vefsíðu SSNV.
- Á vef SSNV er að finna myndband með leiðbeiningum um umsóknargáttina.
- Starfsmenn verða með viðtalstíma og vinnustofur um gerð umsókna vikunnar áður en umsóknarfrestur rennur út.
- Nánari upplýsingar á vef SSNV.



Mynd: Stefanía Hjördís veitir viðtöku viðurkenningu fyrir framúrskarandi verkefni á sviði atvinnu- og nýsköpunar árið 2021

Uppbyggingarsjóður, framhald

Úthlutunarnefnd

Úthlutunarnefnd ber ábyrgð á úthlutunum úr sjóðnum og leggur fram niðurstöður sínar að fengnum tillögum fagráðs menningar og fagráðs atvinnuþróunar og nýsköpunar. Úthlutunarnefnd er skipuð til tveggja ára á haustþingi SSNV, í október 2022.

Úthlutunarnefnd skipa formenn fagráðs atvinnu- og nýsköpunar og fagráðs menningar auk formanns úthlutunarnefndar sem kosinn er á haustþingi SSNV í október 2022.

Fagráð atvinnuþróunar og nýsköpunar

Fagráðið er skipað til tveggja ára á haustþingi í október 2022. Starfsmaður fagráðs atvinnu- og nýsköpunar er Sveinbjörg Rut Pétursdóttir.

Fagráð menningar

Fagráðið var skipað til tveggja ára á haustþingi í október 2022. Starfsmaður fagráðs menningar er Ástrós Elísdóttir.

Könnun meðal styrkþega/umsækjenda

Að liðnum umsóknarfresti Uppbyggingarsjóðs verður gerð könnun meðal umsækjenda um umsóknarferlið; hvað gengur vel og hvað má bæta. Könnunin er gerð til að fá vísbendingar um eftirfylgni og þjónustu starfsmanna við styrkþega.



Mynd: Skagaströnd.



Áhersluverkefni

Áhersluverkefni eru verkefni sem hafa beina skírskotun til sóknaráætlunar landshlutans og styðja við heimsmarkmið Sameinuðu þjóðanna. Verkefnin skulu hafa skýr markmið og árangursmælikvarða.

Í lok árs 2021 var auglýst eftir hugmyndum að áhersluverkefnum. Unnið var úr hugmyndunum og í framhaldi skilgreind 6 ný verkefni til áranna 2022-2023 en 5 önnur áhersluverkefni frá árunum 2020-2021 voru framlengd.

Heildarframlög til þeirra verkefna sem skilgreind hafa verið eru kr. 67.009.150.-

Mælaborð Sóknaráætlunar

Á heimasíðu SSNV er stöðu verkefna Sóknaráætlunar miðlað með myndrænum hætti. Hægt er að sjá heildarfjármagn sem úthlutað hefur verið, hvað hefur verið greitt út af styrkjum ásamt stöðu áhersluverkefna.

Áhersluverkefni 2022-2023

- Auknar fjárfestingar á Norðurlandi vestra.
- Matvælasvæðið Norðurland vestra.
- Stuðningsáttak í ferðapjónustu.
- Aukin nýsköpun í kennslu - FabLab.
- Landshluti í forystu í loftslagsmálum og heimsmarkmiðum.
- Stuðningur við nýsköpun.
- Barnamenningarhátíð.
- Skrifstofusetur.
- Fjölmeningarkaffi.
- Erlend samstarfsverkefni.
- Textíl Lab á Blönduósi.



Í fréttum er þetta helst

Mánaðarlega er nú birt fréttayfirlit á heimasíðu SSVN yfir það sem hæst bar í starfi samtakanna mánuðinn á undan. Er yfirlitið ígildi fréttabréfs enda er öllum fréttum af starfi samtakanna miðlað jafnóðum og því ekki þörf á sérstöku fréttabréfi. Í fréttum er þetta helst eru megin verkefni tekin saman til glöggvunar fyrir áhugasama sem geta þá nýtt sér hlekki til að fá nánari upplýsingar. Er þetta liður í aukinni upplýsingamiðlun um verkefni samtakanna til íbúa og kjörinna fulltrúa á starfssvæðinu.



Myndir: sýnishorn af *Í fréttum er þetta helst* í júlí og september 2022.

SSNV¹⁰

Í FRÉTTUM ER

ÞETTA HELST

JÚLÍ

GÓÐAR HEIMTUR ÚR ORKUSJÓÐI

14 aðilar á Norðurlandi vestra hlutu styrk úr Orkusjóði til verkefna tengdum bættari orkunýtingu, minnkun alíunotkunar og uppsetningar hleðslustöðva í landshlutunum.

VERÐANDI Í HLAÐVARPI

Þurður Helga og Sólveig hjá Verðandi endurnýtingarmiðstöð á Hofsósi sögðu frá starfi sínu í Hlaðvarpinu [Fólkið á Norðurlandi vestra](#).

TEXTÍLLAB Í HLAÐVARPI

Margrét Katrín verkefnastjóra [Textíllab](#) á [Blönduósi](#) sagði frá þeirri vinnu sem fer fram í labinu. Þar eru tæki til ýmskonar textilvinnslu en Textíllabið er eina sinna tegundar á landinu.

GÖNGU-LEIÐIR

Við minntum á þær [fjölmiðrau gönguleiðir](#) sem stíkaðar voru á sl. 2 árum í tengslum við áhersluverkefni stórnarætlunar Norðurlands vestra. Leiðirnar eru aðgengilegar á Wikiloc.

LEITAÐ AÐ FRKV. STJÓRA

Unnur Valborg framkvæmdastjóri SSVN sagði starfi sínu laus og var [auðlýst eftir framkvæmdastjóra](#) í hennar stað. Umsóknarfrestur var til 2. ágúst 2022

FÁÐU AÐSTOD

Með haustinu opnað fyrir fjölda styrkjamaðuleika. Við munum kynna vel þá styrki sem verða í boði og hvetjum fólk til að [hafa samband við ráðgjafa](#) okkar sem fyrst til að fá aðstoð við styrkumsóknir. Við erum til þjónustu reiðubúin.

TOURBIT

Þrátt fyrir sumarfrí rúlla þau erlendu samstarfsverkefni sem við erum aðilar að áfram. Þar á meðal [Tourbit](#) en verkefnið lýtur að nýtingu tæknilausna í ferðabjónustu.

SÓKNARÁÆTLUN NORÐURLANDS VESTRA

2022

FYRIR NORÐURLAND VESTRA

SSNV¹⁰

Í FRÉTTUM ER

ÞETTA HELST

SEPTEMBER

BÓKUN UM MÁLEFNI FATLAÐRA

Stjórn SSVN lagði fram bókun um stöðu málefna fatlaðs fólks. Í bókuninni er áhyggjum lýst yfir vegna gífurlegs halla á málaflokknum.

LINDA FANNEY Í HLAÐVARPI

Linda Fanney framkvæmdastjóra nýsköpunarfyrirtækisins Alor sagði frá raflaðunum sem Alor eru að þróa og hvernig þær geta verið liður í að minnka neikvæð umhverfisáhrif frá raflaðuframleiðslu á heimsvísu og hvernig þau geta verið liður í lausninni að geyma raforku.

FYRIRTÆKA-KÖNNUN LANDSHLUTA

Fyrirtækjakönnun landshlutanna er komin út en könnunin gefur góða mynd af stöðu og þróun atvinnumála á Norðurlandi vestra. Aukin þörf er eftir starfsfólki á svæðinu og þá sérstaklega hjá ferðabjónustufyrirtækjum.

VAXTARRÝMI

Tu kraftmikil nýsköpunarteymi af Norðurlandi hafa verið valin til þátttöku í viðskiptahraðalinn Vaxtarrými sem mun hefja göngu sína 3. október næstkomandi. Þar af eru tvö af Norðurlandi vestra.

KATRÍN NÝR FRKV. STJÓRI

Katrín M. Guðjónsdóttir hefur verið ráðin framkvæmdastjóri Samtaka sveitarfélaga á Norðurlandi vestra.

KÚRSINN STILLTUR

SSNV gerði samning við Saltworks ráðgjafafyrirtæki um gerð stöðugreiningar og stefnumótunar fyrir Norðurlands vestra.

SSNV Í VERKEFNA-UMSÓKN Í NORÐUR SLÓÐAÁÆTLUN

Umsóknarfrestur rann út 19. september og vann starfsfólk SSVN ásamt kollegum erlendis að umsóknum í verkefnið BRAIN sem snýr m.a. að því að nýta stafræna tækni sem tekst á við loftslagsáskoranir.

OPIÐ FYRIR UMSÓKNIR Í UPPBYGGINGAR-SJÓÐ

Opnað var fyrir umsóknir í Uppbyggingarsjóð Norðurlands vestra 26. september og er umsóknarferlið opið til kl. 16:00 þriðjudaginn 1. nóvember.

SÓKNARÁÆTLUN NORÐURLANDS VESTRA

2022

FYRIR NORÐURLAND VESTRA

TIL ÞJÓNUSTU
REIÐUBÚIN!



KATRÍN M. GUÐJÓNSDÓTTIR
katrin@ssnv.is



MAGNÚS BARÐDAL
magnusb@ssnv.is



ÓLÖF LOVÍSA JÓHANNSDÓTTIR
olof@ssnv.is



SVEINBJÖRG RUT PÉTURSDÓTTIR
sveinbjorg@ssnv.is



DAVÍÐ JÓHANNSON
david@ssnv.is



MATTHÍAS RÚNARSSON
matti@ssnv.is



ÁSTRÓS ELÍSDÓTTIR
astros@ssnv.is

